

ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНИНГ
Қ А Р О Р И



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

24 “ ИЮЛЬ 2018 й. г. № 569

Тошкент ш. – г. Ташкент

**Муҳаммад ал-Хоразмий номидаги Тошкент ахборот технологиялари
университетида кадрлар тайёрлаш тизимини тубдан такомиллаштириш
ва самарадорлигини ошириш чора-тадбирлари тўғрисида**

Ўзбекистон Республикаси Президентининг 2018 йил 19 февралдаги “Ахборот технологиялари ва коммуникациялари соҳасини янада такомиллаштириш чора-тадбирлари тўғрисида” ПФ–5349-сон Фармони, 2018 йил 19 февралдаги “Ўзбекистон Республикаси Ахборот технологиялари ва коммуникацияларини ривожлантириш вазирлиги фаолиятини ташкил этиш тўғрисида” ПК–3549-сон қарорига мувофиқ, шунингдек, Муҳаммад ал-Хоразмий номидаги Тошкент ахборот технологиялари университети ва унинг филиалларида кадрлар тайёрлаш тизимини тубдан такомиллаштириш ва самарадорлигини ошириш, ўқув жараёнига таълимнинг кредит тизимини жорий қилиш орқали университетни жаҳоннинг нуфузли университетлари қаторига киришини таъминлаш мақсадида Вазирлар Маҳкамаси қарор қилади:

1. Ўзбекистон Республикаси Президентининг 2018 йил 19 февралдаги “Ахборот технологиялари ва коммуникациялари соҳасини янада такомиллаштириш чора-тадбирлари тўғрисида” ПФ–5349-сон Фармонига асосан Муҳаммад ал-Хоразмий номидаги Тошкент ахборот технологиялари университети (кейинги ўринларда Университет деб юритилади) ва унинг филиалларида 2018/2019 ўқув йилидан бошлаб ахборот технологиялари ва коммуникациялари соҳасида кадрлар тайёрлаш бўйича ўқитишнинг кредит тизимини жорий этиш таклифи маъқулланганлиги маълумот учун қабул қилинсин.

2. Қуйидагилар:

Муҳаммад ал-Хоразмий номидаги Тошкент ахборот технологиялари университетининг тузилмаси 1-иловага мувофиқ;

Муҳаммад ал-Хоразмий номидаги Тошкент ахборот технологиялари университети филиалларининг намунавий тузилмаси 2-иловага мувофиқ;

Муҳаммад ал-Хоразмий номидаги Тошкент ахборот технологиялари университети ва унинг филиалларида таълимнинг кредит тизими тўғрисидаги низом 3-иловага мувофиқ тасдиқлансин.

Белгилансинки, Университет ва унинг филиаллари (факультетлар, кафедралар ва бошқа таркибий бўлинмалар) ходимларининг чекланган умумий сони олий таълим муассасалари учун ўрнатилган нормативларга мувофиқ аниқланади.

Ўзбекистон Республикаси Ахборот технологиялари ва коммуникацияларини ривожлантириш вазирлиги, зарур ҳолларда, Университет ва унинг филиаллари тузилмасига олий таълим муассасалари учун ўрнатилган нормативларга мувофиқ ходимларнинг умумий сони доирасида ўзгартиришлар киритиш ҳукуқи берилсин.

3. Қуйидагилар таълимнинг кредит тизимини жорий этиш орқали Университет ва унинг филиалларини ривожлантиришнинг асосий йўналишлари этиб белгилансин:

Университет ва унинг филиаллари профессор-ўқитувчилари таркибини юқори даражада касбий педагогик маҳоратга эга бўлган мутахассислар билан тўлдириш, шунингдек, нуфузли хорижий олий таълим ва илмий муассасаларда таълим олган, малака оширган, илмий даражаларини ҳимоя қилган иқтидорли педагог кадрлар ҳамда амалий иш тажрибасига эга бўлган мутахассисларни таълим жараёнига кенг жалб қилиш;

халқаро рейтингларда нуфузли ўринларни эгаллаган хорижий олий таълим муассасалари билан талабалар, профессор-ўқитувчилар, илмий-изланувчи олимларнинг алмашинув дастурларини кенг жорий қилиш, ётакчи хорижий илмий-таълим муассасалари, илмий-тадқиқот марказлари билан ҳамкорликни мустаҳкамлаш;

ўқув жараёнини ташкил этишнинг самарали усуллари ва замонавий таълим технологияларини ўзлаштириш, малакали педагог кадрлар учун рақобат муҳитини яратиш орқали уларнинг тажрибасини мунтазам ошириб бориш;

талабага ўзининг таълим дастурини мустақил шакллантириш имконини яратиш ва билимини баҳолашда ошқораликни таъминлаш.

4. Университет Ўзбекистон Республикаси Олий ва ўрта махсус таълим вазирлиги билан келишган ҳолда, таълим сифатини ошириш мақсадида хорижий давлатларнинг ахборот-коммуникация технологиялари соҳасини ривожлантириш амалиётидан келиб чиқиб, икки ой муддатда халқаро андозаларга мос ва илғор педагогик технологияларга асосланган ўқув режалари ва дастурлари, битирувчиларнинг малака талабларини ишлаб чиқиши ҳамда тасдиқланишини таъминласин.

5. Белгилаб қўйилсинки:

2018/2019 ўқув йилидан бошлаб Университет ва унинг филиаллари таркибидаги академик лицейларнинг таълим дастурлари замонавий ахборот ва педагогик технологиялардан кенг фойдаланиш асосида математика, физика, чет тили ва ахборот технологияларига оид фанлар чуқур ўқитилиши назарда тутилган ҳолда ишлаб чиқилади;

Университет ва унинг филиаллари таркибидаги академик лицейларнинг педагог кадрлари таркиби 30 фоизгача Университет ва унинг филиалларидан ўриндошлик асосида юқори малакали педагогларни жалб этиш ҳисобига шакллантирилади.

6. Ўзбекистон Республикаси Ахборот технологиялари ва коммуникацияларини ривожлантириш вазирлиги Университет билан биргаликда икки ой муддатда Ахборот-коммуникация технологияларини ривожлантириш жамғармаси маблағлари ҳисобидан Университет профессор-ўқитувчилари таркибини “Scopus” ва “Web of science” тизимида қиравчи халқаро илмий журналларда илмий мақолалар чоп этилишидан, шунингдек, илмий-услубий, илмий-тадқиқот, ташкилий-услубий, маънавий-маърифий ва тарбиявий ишлар бажарилишидан келиб чиққан ҳолда моддий рағбатлантириш тартибини ишлаб чиқсин ва тасдиқласин.

7. Ўзбекистон Республикаси Вазирлар Маҳкамасининг 2013 йил 28 июндаги “Муҳаммад ал-Хоразмий номидаги Тошкент ахборот технологиялари университети ва унинг ҳудудий филиаллари ташкилий тузилмасини такомиллаштириш тўғрисида” 188-сон қарори ўз кучини йўқотган деб ҳисоблансин.

8. Ўзбекистон Республикаси Ахборот технологиялари ва коммуникацияларини ривожлантириш вазирлиги манфаатдор вазирлик ва идоралар билан биргаликда бир ой муддатда ўзлари қабул қилган норматив-ҳуқуқий ва бошқа ҳужжатларни мазкур қарорга мувофиқлаштирсин.


9. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари А.А. Абдуҳақимов ва Ахборот технологиялари ва коммуникацияларини ривожлантириш вазири А.И. Аҳмедхаджаев зиммасига юклансин.

**Ўзбекистон Республикасининг
Бош вазири**



А. Арипов

**Муҳаммад ал-Хоразмий номидаги Тошкент ахборот технологиялари университетининг
тузилмаси**



Университет (факультетлар, кафедралар ва бошқа таркибий бўлинмалар) ходимларининг чекланган умумий сони олий таълим муассасалари учун белгиланган нормативларга мувофиқ аникланади.

*) Университетнинг бюджетдан ташқари маблағлари ҳисобидан таъминланади.

**) Жамоатчилик асосида фаолият юритади.

[illegible]

*) Университетнинг бюджетдан ташқари маблағлари ҳисобидан таъминланади.

Вазирлар Маҳкамасининг
2018 йил “24” июлдаги 569-сон қарорига
3-илова

**Муҳаммад ал-Хоразмий номидаги Тошкент ахборот технологиялари
университети ва унинг филиалларида таълимнинг
кредит тизими тўғрисида
НИЗОМ**

1-боб. Умумий қоидалар

1. Мазкур Низом Муҳаммад ал-Хоразмий номидаги Тошкент ахборот технологиялари университети (кейинги ўринларда Университет деб юритилади) ва унинг филиалларида ўқув жараёнини таълимнинг кредит тизими асосида ташкил этиш тартибини белгилайди.

2. Таълимнинг кредит тизими талабага йўналтирилган ўқитиш, таълим бериш ва баҳолашнинг ошқоралиги тамойилига асосланган бўлиб, синов бирликларини йиғиш ва кўчириб ўтказишдан иборатдир. Мазкур тизим синов бирликларининг жамғариб бориладиган таълимнинг барча босқичлари бўйича илгари йиғилган ўсиб боровчи синов бирликлари ҳисобини билдиради.

Университет ва унинг филиалларида 2018/2019 ўқув йилидан бошлаб, ахборот технологиялари ва коммуникациялари соҳасида кадрлар тайёрлаш бўйича ўқитишнинг кредит тизимини жорий этиш ушбу Низомнинг 1-иловасига мувофиқ босқичма-босқич амалга оширилади.

3. Қуйидагилар Университет ва унинг филиалларида таълимнинг кредит тизимини жорий этишнинг асосий вазифалари ҳисобланади:

ривожланган давлатларнинг ахборот-коммуникация технологиялари соҳасидаги илғор тажрибалари ва тавсияномалардан фойдаланган ҳолда, халқаро таълим стандартларини жорий қилиш, Университет ва унинг филиалларини малакали профессор-ўқитувчилар билан таъминлаш, сифатли ўқув дастурлари ва ўқув материалларини ишлаб чиқиш орқали таълим сифатини ошириш;

хорижий олий таълим муассасалари билан талабалар, профессор-ўқитувчилар, изланувчиларнинг алмашинув дастурларини кенгайтириш;

замонавий таълим технологиялари ва ўқув жараёнларини ташкил этишнинг самарали шакллари ўзлаштириш орқали педагог кадрлар салоҳиятини оширишга кўмаклашувчи рақобат муҳитини яратиш;

талабага таълим дастурини мустақил шакллантириш имкониятини яратиш ва билимини баҳолашнинг ошқоралигини таъминлаш.

2-боб. Асосий тушунчалар

4. Ушбу Низомда қуйидаги асосий тушунчалар қўлланилади:

GPA (Grade Point Average) – таълим олувчининг дастур бўйича ўзлаштирган баллари ўртача қиймати бўлиб, у қуйидаги формула ёрдамида ҳисобланади:

$$GPA = \frac{K_1 * U_1 + K_2 * U_2 + K_3 * U_3 \dots + K_n * U_n}{K_1 + K_2 + K_3 \dots + K_n}, \text{ бунда:}$$

К – фанга ажратилган синов бирликлари миқдори;

U – фан бўйича тўпланган балл.

академик мобиллик – қабул қилувчи муассасада талабанинг вақтинча таълим олиш даврида синов бирликларини ўзлаштириши ва уларни жўнатувчи муассаса томонидан тан олиниши;

мобиллик дастури – таълим тўғрисидаги келишув асосида академик мобиллик даврида талаба томонидан ўзлаштирилиши лозим бўлган таълим дастури;

жўнатувчи муассаса – таълим олувчи ёки профессор-ўқитувчини мобиллик дастури асосида таълим олиш ёки ўқитиш учун жўнатувчи муассаса, ишлаб чиқариш ёки бошқа ташкилот;

қабул қилувчи муассаса – таълим олувчи ёки профессор-ўқитувчининг мобиллик даврини ўташ жойи. Қабул қилувчи муассаса таълим муассасаси, ишлаб чиқариш ёки бошқа шаклдаги ташкилот бўлиши мумкин;

малака берувчи таълим муассасаси – белгиланган миқдордаги синов бирликларини тан олишни ҳисобга олган ҳолда таълим ва малака тўғрисидаги ҳужжат берувчи муассаса;

меҳнат харажатлари – таълим дастури бўйича ўқитиш жараёнида кутилаётган натижаларга эришиш мақсадида ўртача ўзлаштираётган талабага зарур бўладиган ўқув фаолиятининг маъруза, семинар, лойиҳа, амалий топшириқлар, иш жойидаги стажировка, мустақил ишлар каби турларини амалга ошириш учун талаб қилинган вақтни тахминий баҳолаш;

синов бирликлари (кредитлар) – таълим олиш натижалари асосида ўқитиш ҳажми ва у билан боғлиқ меҳнат харажатлари. Синов бирликлари қоидага мувофиқ бутун сонларда ифодаланади;

синов бирликларини бериш – малака ёки унинг алоҳида қисмларига қўйилган талабларга мувофиқ эришилган таълим олиш натижаларига кўра талаба ёки бошқа таълим олувчиларга синов бирликларини расмий тақдим этиш жараёни;

синов бирликларини кўчириш – малакага эга бўлиш мақсадида бир таълим муассасаси, таълим дастурида олинган синов бирликларини бошқа таълим муассасасида тан олиш;

синов бирлиги соати – маъруза, лаборатория, семинар, студия ва амалий машғулотлар ҳамда амалиётларнинг 1 академик соати 40 дақиқага тенг;

синов бирликларини тан олиш – бошқа таълим муассасасида эришилган ва баҳоланган таълим олиш натижаларининг Университетдаги мавжуд фан дастурларидан бирининг талабларига жавоб беришини тасдиқлаш;

синов бирликларини тўплаш – таълим элементларини ўзлаштириш ва бошқа ютуқларга эришиш натижасида тақдим этиладиган бирликларни тўплаш;

таълим элементлари – таълим олиш натижаларига эришиш ва таълим дастурида кўрсатилган билимларни ўзлаштиришга кўмаклашувчи ўқитиш тури;

таълим олиш натижалари – талаба томонидан ўзлаштирилган ва баҳо билан тасдиқланган малака даражасини акс эттирадиган, таълим жараёнини муваффақиятли тугаллагач, ўзлаштирган кўникмалари, топшириқларни тушунтириши ва уларни бажариш қобилиятининг тавсифи;

таълим тўғрисидаги маълумотнома – ўзлаштирилган фанлар, тўпланган синов бирликлари миқдори, олинган баҳолар акс эттириладиган талабанинг академик ўзлаштириши бўйича гувоҳнома;

транскрипт – таълим олишнинг тегишли даврида ўзлаштирилган синов бирликлари ва баҳоларнинг ҳарф ва рақамлардаги ифодаси кўрсатиб ўтилган фанлар рўйхатини ўз ичига олган белгиланган шаклдаги ҳужжат;

тьютор – маърузачи томонидан ўқитилаётган фанни ўзлаштиришда таълим олувчиларга ёрдам берувчи шахс;

эдвайзер – тегишли мутахассислик бўйича таълим олувчига академик мураббий функциясини бажарувчи, таълим траекториясини (шахсий ўқув режасини) шакллантиришда ва ўқиш даврида таълим дастурини ўзлаштиришда кўмаклашувчи ўқитувчи.

3-боб. Таълим дастури тузилмаси

5. Таълим дастури тузилмаси бир ёки бир нечта модуллардан иборат таълим элементларидан ташкил топган бўлиб, Университет томонидан тасдиқланади. Таълим дастури аудитория машғулотлари, илмий лойиҳалар, ишлаб чиқариш амалиёти ва бошқа таълим элементларидан иборат бўлиши мумкин. Тузилмалар таълим олиш натижаларига мос бўлган ва синов бирликларида ифодаланган ижтимоий ва жамоат фаолиятини қамраб олиши мумкин.

6. Таълим дастури тузилмасини ишлаб чиқишда унинг ҳар бир таълим элементиغا мос келадиган таълим олиш натижалари (камида 6 та кўрсаткич) кўрсатилиши ҳамда академик ўқув йилига 60 синов бирлиги мос келишини ҳисобга олган ҳолда тузилади. Дастурда синов бирликларининг миқдори сарфланадиган меҳнат харажатлари асосида кўрсатилади.

7. Талабаларнинг таълим дастурини муваффақиятли ўзлаштиришлари ҳамда талаб қилинган малакага эга бўлишлари учун талаблар аниқ белгиланади. Ўзлаштириш қоидалари танланган таълим дастури бўйича ўқитишнинг турли босқичлари учун белгиланган синов бирликлари миқдорида ёки синов бирликлари оралиғида ифодаланиши мумкин.

8. Университет талабалар томонидан таълим дастури муваффақиятли бажарилишига ёрдам бериш учун маслаҳат ва тушунтиришлар бериб боради. Маслаҳат бериш доирасида таълим олиш натижасида эришган ютуқлар ва тажрибаларни тан олиш имкониятлари тушунтирилади.

9. Университет барча фанларининг каталоги ва ўқитиш шaroитлари тўғрисидаги батафсил маълумотлар ҳамда долзарб ахборотларни ушбу Низомнинг 2-иловасига мувофиқ университетнинг веб-саҳифасида ўзбек, қорақалпоқ, рус ва инглиз тилларида эълон қилиб бориши шарт.

10. Таълим элементларининг амалга оширилишига масъул ўқитувчилар таълим дастурида кўрсатилган натижалар билан таълим бериш ҳамда баҳолаш жараёнлари ўртасидаги мутаносибликни таъминлашлари лозим.

4-боб. Ўқув жараёнини режалаштириш, мониторинги ва таълим сифатини таъминлаш

11. Ўқув жараёни ўқув ва назорат тадбирлари мажмуини ўз ичига олади. Ўқув жараёнида барча турдаги аудитория машғулотлари, амалиёт ва мустақил ишларнинг

ташқил этилиши назарда тутилади. Назорат тадбирлари таълим олувчиларнинг ўқув режасидаги тегишли фанлар бўйича билимларни ўзлаштириши ва уларнинг натижаларини баҳолашни кўзда тутди.

12. Ўқув жараёни талабалар, ўқитувчилар ва маъмурият ўртасида очиқ мулоқот шаклида талабага йўналтирилган ёндашув асосида режалаштирилади. Ушбу жараёнда талабаларнинг талаб ва истаклари муҳокама қилинади. Барча манфаатдор томонлар таълим дастурининг яратилиши ва ўзлаштирилишининг конструктив муҳокамасига жалб этилиши мумкин. Бундай баҳсларда талабалар вакиллари овоз бериш ҳуқуқи орқали иштирок этишлари мумкин.

13. Ўқув жараёнини режалаштириш қуйидаги босқичлардан иборат бўлади:

намунавий ўқув режа ва фанлар каталогини ишлаб чиқиш ҳамда қўшимча равишда ушбу Низомнинг 3-иловасига мувофиқ танлов фанлар каталогини шакллантириш;

ишчи ўқув режаларини тузиш;

фанларнинг ишчи дастурини (силлабусни) ишлаб чиқиш;

ўқув жараёни календарини тузиш;

ишчи ўқув режаларига мувофиқ таркибий бўлинмаларнинг (кафедраларнинг) ўқув юкламаси ҳажми ҳамда тегишли равишда педагогик юкламани тақсимлаган ҳолда профессор-ўқитувчилар таркибининг штат жадвалини (синов бирликлари асосида) шакллантириш;

академик потоклар ва гуруҳлар бўйича ўқув машғулотларининг жадвалларини тузиш.

14. Семестр давомида талаба томонидан ўзлаштирилиши лозим бўлган синов бирлигининг ҳажми ўқув режада кўрсатилган мажбурий ва танлов фанларни ўз ичига олади ҳамда танлов фанларини ўрганишга ажратиладиган синов бирликлари (кредитлар) миқдори Университет томонидан мустақил тақсимланади.

15. Ўқув йили 32 ҳафтани ташқил қилиб, 30 ҳафтаси академик давр, 2 ҳафтаси якуний назоратдан иборат бўлади.

Таълим олувчи учун бир синов бирлигининг иш ҳажми 30 синов бирлиги соатига тенг (бакалавриятда – 15 аудитория соати, 15 мустақил иш соатига, магистратурада – 10 аудитория соати, 20 мустақил иш соатига).

16. Таълим олувчи битирув малакавий иши ёки магистрлик диссертациясини тайёрлашда ўқитувчи назоратида бажариладиган мустақил ишларининг улуши қуйидагича тақсимланади:

бакалавриятда – 1:4;

магистратурада – 1:5.

17. Ўқув жараёнининг мониторинги таълим олишнинг белгиланган натижаларига эришиш, номинал меҳнат ҳажми ҳамда уларнинг ҳаққонийлиги ва мослигини баҳолаш мақсадида ўтказилади.

Мониторинг сўровнома, фокус-гуруҳлар, интервью олиш ёки эришилган натижаларни таҳлил қилиш ва бошқа усулларда амалга оширилиши мумкин.

18. Таълим сифати самарадорлигини таъминлаш Университет томонидан амалга ошириладиган таълим йўналишлари ва мутахассисликлар таълим дастурининг

ваколатли ташкилотлар тавсифномалари ва талабларига мосликни таъминлаш жараёнларини ўз ичига олади.

5-боб. Академик мобиллик ва синов бирликларини тан олиш

19. Академик мобилликни таъминлаш ва талабанинг синов бирликларини Университет томонидан тан олинишида қуйидаги ҳужжатлардан фойдаланилади:

фанлар каталоги;

ушбу Низомнинг 4-6-иловаларида белгиланган шаклдаги таълим тўғрисидаги келишув, маълумотнома ва сертификат.

Мазкур ҳужжатлар таълим олиш натижаларини акс эттиради ва малака берувчи таълим муассасасига синов бирликларини тан олиш ва кўчириб ўтказиш учун асос ҳисобланади.

20. Талаба томонидан таълим олиш натижасига мос келувчи бошқа таълим муассасаси, таълим дастурида эришилган ютуқлари учун ўзлаштирилган синов бирликлари миқдори Университетда белгиланган таълим олиш натижаларига ўзлаштириладиган синов бирликлари миқдорига тенг ҳисобланади.

21. Таълим тўғрисидаги келишувга мувофиқ Университет томонидан академик мобиллик доирасидаги талабанинг барча синов бирликлари таълим дастурини ўзлаштиришда талабага қўшимча топшириқларсиз ҳисобга олинади.

22. Талабанинг академик мобиллик даврида ўзлаштирилиши белгиланган таълим элементларини жўнатувчи муассасанинг розилигисиз ўзгартириш мумкин эмас. Хориждаги ҳамкор ташкилотларнинг таълим дастурларида белгиланган таълим олиш натижалари Университетнинг таълим дастури бўйича таълим олиш натижаларига мос келиши ёки уларни тўлдириши лозим. Таълим олиш натижалари хорижда таълим олиш давридан кейин тан олинади.

23. Қабул қилувчи муассасада талаба томонидан ўзлаштириладиган ўқув элементларининг тўплами ва улар Университетнинг таълим дастурига интеграция қилинганлиги таълим тўғрисидаги келишувда аниқ кўрсатилган бўлиши лозим. Қабул қилувчи муассасада ўзлаштириладиган синов бирликлари миқдори хорижда ўқиш даврига мутаносиб бўлиши ҳамда талаба ўқув йили давомида 60 синов бирлиги ҳажмидаги таълим элементларини ўзлаштириши лозим.

24. Университет академик мобиллик дастури бўйича режалаштирилган таълим элементларини ўзлаштириш учун талабани ушбу Низомнинг 7-иловасида белгиланган шаклдаги ҳужжат асосида фанларга рўйхатдан ўтказади ва мобиллик даврида ушбу элементларни ўзлаштириш имкониятлари таъминланишини ўз зиммасига олади.

25. Ҳамкор ташкилотлар билан биргаликда ишлаб чиқилган таълим дастурлари доирасида академик мобиллик учун таълим тўғрисидаги келишувлар тузилиши зарур ҳисобланмайди.

26. Таълим тўғрисидаги келишувга мувофиқ академик мобиллик даврида талабанинг билим даражасини аниқловчи кўрсаткичлар ушбу Низомнинг 8-9-иловаларида белгиланган жадваллар асосида қабул қилинади.

27. Стажировкани ўташ бўйича келишув ушбу Низомнинг 10-иловасида белгиланган тавсия этиладиган элементлар асосида талаба, Университет ва қабул қилувчи ташкилот томонидан уч томонлама имзоланади.

28. Стажировка давомида талаба томонидан ўзлаштирилган билимларнинг ошкоралигини таъминлаш ва уларни тасдиқлаш мақсадида қабул қилувчи муассаса томонидан стажировкани ўтаганлик тўғрисида сертификат берилади.

6-боб. Баҳолаш, баҳоларни конвертация қилиш

29. Талабалар таълим дастури доирасида ўқитиш шаклидан қатъи назар Университет томонидан ишлаб чиқилган ва тасдиқланган баҳолаш мезонлари асосида баҳоланади.

30. Фан дастурида (силлабусда) белгиланган баҳолаш тартиби ҳамда ушбу Низомнинг 8-илоvasида келтирилган ижобий баҳолар доирасида баҳоланган таълим олувчиларга синов бирликлари берилади. Талаба белгиланган таълим олиш натижаларига эриша олмаган тақдирда, синов бирликлари берилмайди.

31. Баҳолаш усуллари фан ёки модул доирасидаги талабанинг ютуқларини акс эттирувчи ва тасдиқловчи ёзма, оғзаки, амалий иш, лойиҳа, портфолио ва назоратлар каби турларни ўз ичига қамраб олади. Баҳолаш мезони таълим олиш натижасига эришилганлигини акс эттириши шарт.

32. Синов бирликларини кўчириш ушбу Низомнинг 9-илоvasига мувофиқ Университет баҳоларини конвертациялаш жадвалини бошқа муассасада тузилган шунга ўхшаш жадвал билан солиштириш асосида амалга оширилади.

7-боб. Ўқитувчининг функциялари

33. Ўқитувчи ўз функционал вазифасидан келиб чиқиб, маърузачи, тьютор, эдвайзер ёки махсус кенгашлар аъзоси сифатида иш юритиши мумкин.

34. Таълим бериш, услубий ва илмий-тадқиқот ишларида, шунингдек, ижтимоий ҳаётда, ушбу жамоада қабул қилинган қадриятларни тарғибот қилишда фаол қатнашиш ҳамда таълим хизматлари бозорида Университет ўрнини мустаҳкамлаш профессор-ўқитувчилар таркибининг асосий фаолиятини ташкил этади.

35. Ўқитувчи фаолиятининг 36 соатдан иборат бир ҳафталик иш юкламаси куйидаги асосий турларга йўналтирилиши мумкин:

ўқитиш ва унга сифатли тайёргарлик кўриш билан боғлиқ ишлар;

фаннинг ўқув-услубий комплексини яратиш;

таълим олувчига маслаҳатлар бериш;

ўз устида ишлаш ва илмий-тадқиқот фаолиятини юритиш;

академик бошқарув (декан, кафедра мудирлари).

36. Маъруза машғулотларини юқори илмий-услубий савияда ўта оладиган малакали ўқитувчилар маърузачи этиб тайинланади.

37. Ўқув йилидаги маърузаларни ўқитиш ҳукуқи Университет кенгаши қарорига кўра илмий даражага эга бўлмаган, тажрибали ва юқори малакали ўқитувчиларга ҳам берилиши мумкин.

38. Тьютор ҳар бир талабанинг фанни ўрганиш жараёнини назорат қилади, индивидуал топшириқлар бажарилишини, семинар, амалий ва лаборатория машғулотларини баҳолаб, зарур ҳолларда унга ёрдам беради.

39. Эдвайзер таълим олувчининг ўқиш жараёнига боғлиқ бўлган манфаатларини ифодалаши, ўқув жараёнига оид зарур ахборот материалларини тайёрлашда қатнашиши ва ушбу материалларни талабага электрон ташувчида тақдим этиши, ўз вақтидаги тайёргарликни ва услубий материаллар мавжудлигини, мутахассислик бўйича барча фанлардан ўтказиладиган оралик ва якуний назоратларнинг бажарилишини назорат қилади.

40. Эдвайзерлар Университет ректори томонидан тайинланади.

41. Ўқув йили давомида эдвайзерлар деканат томонидан тасдиқланадиган режа асосида фаолият юритади. Таълим олувчиларнинг академик муаммоларини ҳал қилиш мақсадида эдвайзер режадан ташқари ташкил этилган шахсий учрашувларни ташкиллаштириши мумкин.

42. Эдвайзер фаолияти қуйидагиларни ўз ичига олади:

таълим олувчиларни таълим жараёнини ташкиллаштириш қоидалари билан таништириш;

таълим олувчиларнинг устувор жиҳатларини, лаёқатлари ва имкониятларини аниқлаш;

танлов фанларининг намунавий ўқув режаси ва фанлар каталоги билан таништириш;

синов бирликлари миқдори ва уларни ўзлаштириш тўғрисида изоҳ бериш;

Университетда ўқув жараёнини самарали ташкиллаштиришга йўналтирилган турли жамоат қўмиталарини ташкил этиш.

8-боб. Таълим олувчини четлаштириш, қайта тиклаш, босқичдан-босқичга кўчириш механизмлари

43. Таълим олувчи Университетдан қуйидаги ҳолларда четлаттирилади:

ўз хоҳишига биноан;

касаллиги туфайли (тиббий комиссия маълумотномаси асосида);

ўқув интизомини ва таълим муассасасининг ички тартиб-қоидаларини мунтазам равишда ёки бир маротаба қўпол равишда бузганлиги учун;

шартнома асосида ўқиётган таълим олувчилар шартнома билан боғлиқ мажбуриятларни бажармагани учун;

суд томонидан озодликдан маҳрум этилганлиги сабабли;

вафот этганлиги сабабли.

Четлаштирилган талабага белгиланган шаклдаги таълим тўғрисидаги маълумотнома берилади.

44. Семестр ва ўқув йили якуни натижалари бўйича академик қарздорлиги бор таълим олувчилар ўқишдан четлаштирилмайди.

45. Бир фандан 10 ва ундан ортиқ синов бирлиги соатини сабабсиз қолдирган талаба якуний назоратга киритилмайди ҳамда фандан четлаштирилади. Талаба четлаштирилган фанидан қайта таълим олиши учун таътил вақтида ўз ҳисобидан қайта ўқиш ҳуқуқига эга.

46. Таълим олувчини босқичдан-босқичга ўтказиш унинг GPA қийматини ҳисобга олган ҳолда амалга оширилади. Белгиланган GPA ўтиш баллини тўплай

олмаган талаба қайта ўқиш учун тегишли босқичда қолдирилади. Шартнома асосида бир босқичда ўқиш сони чегараланмайди.

47. Таълим оловчи Ўзбекистон Республикаси қонун ҳужжатлари асосида ўқишини қайта тиклаш ва қўчириш ҳуқуқига эга. Таълим оловчи томонидан четлаштирилгунга қадар ўзлаштирган синов бирликлари миқдори Университет томонидан тўлиқ ҳажмда ҳисобга олинади.

9-боб. Яқуний қондалар

48. Университетда таълим олишнинг тўлов қиймати Ўзбекистон Республикасининг амалдаги қонун ҳужжатларига мувофиқ белгиланади.

49. Фанлар бўйича қайта таълим олиш учун тўлов қиймати Университет томонидан бутун ўқув йилининг контракт суммасидан келиб чиққан ҳолда белгиланади. Қайта таълим олиш учун тўлов механизми Университет томонидан бир кредит қийматини ҳисоблаш асосида белгиланади. Бир кредит қиймати ўқув йили давомидаги таълим олиш учун тўланадиган умумий суммани режалаштирилган синов бирликлари (кредитлар) миқдорига бўлиш йўли билан аниқланади.

50. Талаба Университет таълим дастурини муваффақиятли ўзлаштирган тақдирда унинг академик даражасини тасдиқлайдиган диплом ва ушбу Низомнинг 11-иловасига мувофиқ диплом иловаси берилади.

**Муҳаммад ал-Хоразмий номидаги Тошкент ахборот технологиялари университети ва унинг филиалларида 2018/2019 ўқув йилидан
бошлаб ахборот технологиялари ва коммуникациялари соҳасида кадрлар тайёрлаш бўйича ўқитишнинг кредит тизимини жорий этиш
СХЕМАСИ**

Босқичлар	Тадбирлар	Ижро учун масъуллар	Бажариш муддатлари
1-босқич	<u>Таълим дастури:</u> 1. Ўқув режаси ва фан дастурларини жаҳон стандартларига мослаштириш ва тасдиқлаш; 2. Ҳар бир фанга синон бирликларини тақсимлаш; 3. Фанлар каталогини шакллантириш ва эълон қилиш.	Муҳаммад ал-Хоразмий номидаги Тошкент ахборот технологиялари университети (Университет)	Ўқув йили бошлангунга қадар
2-босқич	<u>Талабаларни қабул қилиш:</u> Таълимнинг кредит тизими бўйича талабаларни (бакалавр ва магистратурага) белгиланган тартибда 1-босқичга қабул қилиш.	Университет ва унинг филиаллари	Ўқув йили бошлангунга қадар
3-босқич	<u>Таълим траекторияси:</u> Талабаларни жалб этган ҳолда таълим траекториясини шакллантириш.	Университет ва унинг филиаллари	2019-2020 ўқув йилидан бошлаб ҳар ўқув йили бошлангунга қадар
4-босқич	<u>Мобиллик:</u> 1. Педагог ўқитувчи таркибининг мобиллиги бўйича ҳамкор ташкилотлар билан келишувлар тузиш; 2. Магистратура талабаларининг таълим траекториясида мобиллик ойнасини ташкил этиш; 3. Бакалавриатура талабаларининг мобиллик дастурларини ишлаб чиқиш ва амалга ошириш.	Университет, унинг филиаллари, ҳамкор ташкилотлар, Ахборот технологиялари ва коммуникацияларини ривожлантириш вазирлиги (Вазирлик)	2020-2021 ўқув йилидан бошлаб доимий
5-босқич	<u>Сифатни таъминлаш:</u> 1. Таълимнинг кредит тизимини аккредитациядан ўтказиш бўйича ваколатли ташкилотлар билан келишув тузиш; 2. Таълимнинг кредит тизимини аккредитациядан ўтказиш.	Университет ва унинг филиаллари, Вазирлик	2021-2022 ўқув йилидан бошлаб доимий
6-босқич	<u>Таълим натижасини тасдиқлаш:</u> Халқаро тан олинган иловали битирув дипломини бериш.	Университет ва унинг филиаллари	2022 йилдан бошлаб таълим дастури якунида

Муҳаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
2-илова

Фанлар каталогида акс эттирилиши лозим бўлган маълумотлар

Умумий маълумот:	
<ul style="list-style-type: none"> • таълим муассасасининг номи ва манзили; • таълим муассасасининг тавсифи (типи ва ҳолати); • таълим муассасаси раҳбарияти; • ўқув жараёни жадвали; • университетда амалга ошириладиган дастурлар рўйхати; 	<ul style="list-style-type: none"> • таълим муассасасига ўқишга кириш талаблари, иш юритиш тиллари ва рўйхатдан ўтиш тартиби; • мобиллик даври ва олдинги таълимни тан олиш тартиби; • синов бирликларининг тақсимланиш принципи; • таълим жараёнини назорат қилиш тартиби.
Хизмат ва ресурслар:	
<ul style="list-style-type: none"> • талабалар билан ишлаш хизматлари; • яшаш ва овқатланиш шароити ва нархи; • талабаларнинг молиявий таъминоти; • тиббиёт хизматлари; • суғурта; • имконияти чекланган ва алоҳида эҳтиёжли талабалар учун шароитлар; • таълим олиш муҳити; 	<ul style="list-style-type: none"> • халқаро академик дастурларда қатнашиш имкониятлари; • кировчи мобиллик қатнашчиларига амалий ахборот; • тиллар бўйича фанлар; • иш жойида амалиётни ўташ имкониятлари; • спорт билан шуғулланиш ва дам олиш имкониятлари; • талабалар бирлашмалари; • ахборот-ресурс маркази.
Ўқув фанлари дастурлари тўғрисида ахборот:	
<ul style="list-style-type: none"> • ўзлаштириладиган малакалар; • дастурларнинг давом этиш муддати; • синов бирликлари миқдори; • миллий малака квалификацияси доирасида салоҳият даражаси; • тайёрлов йўналишлари ва ўқишга кировчиларга алоҳида талаблар (агар мавжуд бўлса); • олдинги таълимни тан олиш тартиби; • малакавий ва норматив талаблар; • дастур йўналиши; • таълим олиш натижалари; 	<ul style="list-style-type: none"> • синов бирликлари акс эттирилган схема тарзидаги тузилмаси (кундузги таълим учун 60 синов бирлиги миқдориди); • таълим шакли; • назорат ўтказиш тартиби ва баҳолаш шкаласи; • стажировкалар; • ишлаб чиқариш ташкилотларида амалиётлар; • битирувчиларнинг профессионал профили; • олий таълимдан кейинги таълим.
Қўшма дастурларда қуйидаги қўшимча элементлар тавсия этилади:	
<ul style="list-style-type: none"> • таълим ва малака тўғрисидаги ҳужжат ҳақида ахборот ва унинг иловаси; • консорциум аъзолари ва уларнинг роли; • таълим дастурининг мобиллик тузилмаси. 	
Аниқ таълим дастурлари элементлари тавсифи тўғрисида ахборот:	
<ul style="list-style-type: none"> • код; • номи; • тип (мажбурий/танлов); 	<ul style="list-style-type: none"> • таълим тури (кундузги, масофавий ва бошқалар); • асосий ва қўшимча талаблар

<ul style="list-style-type: none">• цикл (қиска, биринчи, иккинчи/учинчи);• дастур доирасида амалга оширилиш йили (агар мавжуд бўлса);• дастур қисмининг амалга оширилиш даври;• синов бирликлари миқдори;• маърузачиларнинг Ф.И.Ш.;• таълим олиш натижалари;	<p>(агар мавжуд бўлса);</p> <ul style="list-style-type: none">• фан таркиби;• мажбурий ва тавсия этиладиган адабиётлар рўйхати ҳамда бошқа хил манбалар /жиҳозлар;• режалаштирилган ўқув фаолиятининг услуби ва шакли;• баҳолаш мезони ва усули, ўқиш тили.
--	--

Мухаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
3-илова

Танлов фанлари каталоги шакли

№	Фаннинг номи ва қисқа тавсифи	Синов бирликлари миқдори	Семестр, триместр, чорак	Мустақил ишлар рўйхати	Профессор-ўқитувчилар: Ф.И.Ш., илмий унвони ва даражаси
Таянч фанлар					
Мутахассислик фанлари					

Муҳаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
4-илова

Таълим тўғрисидаги келишувда акс эттирилиши лозим бўлган маълумотлар

- талабанинг Ф.И.Ш. ва боғланиш маълумотлари;
- университет ва талабани қабул қилаётган таълим муассасаси масъул шахсларининг Ф.И.Ш. ва боғланиш маълумотлари;
- жўнатаётган таълим муассасасида талабанинг таълим йўналиши/ мутахассислиги;
- ўқиш даври (қисқа, биринчи, иккинчи/учинчи);
- қабул қилаётган муассасада ўқиш даври (бошланиш ва тугаш вақти);
- хорижда ўқиш дастури: қабул қилаётган таълим муассасада ўқиш режалаштирилган таълим элементларининг синов бирликлари кўрсатилган фанлар каталогига иктибос;
- муваффақиятли мобиллик даври натижасида университетда синов бирлиги сифатида қабул қилинадиган таълим элементлари;
- уч томонлама келишув (талаба, университет ва қабул қилаётган таълим муассасаси).

Муҳаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
5-илова

**Таълим тўғрисидаги маълумотномада акс эттирилиши лозим бўлган
маълумотлар**

- талабанинг Ф.И.Ш.;
- идентификация қилиш ва боғланиш маълумотлари;
- университетнинг боғланиш маълумотлари;
- талабанинг таълим йўналиши ва дастур номи;
- жорий ўқув йили;
- қабул қилувчи таълим муассасасида талаба томонидан ўзлаштирилган таълим элементлари (синов бирликлари миқдори ва маҳаллий баҳолаш шкаласи);
- баҳолаш тизими;
- референт гуруҳларда баҳоларни тақсимлаш тўғрисида маълумот;
- берилган сана ва масъул шахснинг имзоси.

Муҳаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
6-илова

**Стажировкани ўташ тўғрисидаги сертификатда акс эттирилиши лозим бўлган
маълумотлар**

- талабанинг Ф.И.Ш.;
- ташкилот номи;
- ташкилот билан боғланиш учун маълумот (манзил, телефон рақами, электрон-манзил, веб-сайт);
- ташкилот типи;
- стажировкани ўташ муддатининг бошланиш ва тугаш санаси;
- стажировканинг батафсил дастури, вазифалар рўйхати;
- ўзлаштирилган билимлар, кўникмалар ва компетенциялар;
- талабанинг ишига қўйилган баҳо;
- берилган сана ва масъул шахснинг имзоси.

Муҳаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
7-илова

Таълим олувчини фанлар бўйича рўйхатдан ўтказиш шакли

Таълим олувчининг шахсий коди		
Фамилияси		
Исми		
Шарифи		
Таълим йўналиши / мутахассислиги		
Ўқув йили		
Уй манзили		
Телефон рақами		
Муассиснинг Ф.И.Ш.		
Кафедра		
Телефон рақами		
Мажбурий фанлар	Танлов фанлари	
	Эълон қилингани	Муқобили
1.	1.	1.
2.	2.	2.
3.	3.	3.
4.	4.	4.

Муҳаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
8-илова

Баҳоларни конвертация қилиш жадвали (5 баллик тизимдан фоизга)

5 балли	100% шкала	5 балли	100% шкала	5 балли	100% шкала
5,00-4,96	100	4,30-4,26	86	3,60-3,56	72
4,95-4,91	99	4,25-4,21	85	3,55-3,51	71
4,90-4,86	98	4,20-4,16	84	3,50-3,46	70
4,85-4,81	97	4,15-4,11	83	3,45-3,41	69
4,80-4,76	96	4,10-4,06	82	3,40-3,36	68
4,75-4,71	95	4,05-4,01	81	3,35-3,31	67
4,70-4,66	94	4,00-3,96	80	3,30-3,26	66
4,65-4,61	93	3,95-3,91	79	3,25-3,21	65
4,60-4,56	92	3,90-3,86	78	3,20-3,16	64
4,55-4,51	91	3,85-3,81	77	3,15-3,11	63
4,50-4,46	90	3,80-3,76	76	3,10-3,06	62
4,45-4,41	89	3,75-3,71	75	3,05-3,01	61
4,40-4,36	88	3,70-3,66	74	3,00	60
4,35-4,31	87	3,65-3,61	73	3,0 дан кам	60 дан кам

Муҳаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
9-илова

**Муҳаммад ал-Хоразмий номидаги Тошкент ахборот технологиялари
университетининг баҳолаш тизимини бошқа баҳолаш тизимларига конвертация
қилиш жадвали**

2017 йилдан бошлаб Университет баҳолаш тизими	Россия Федерацияси баҳолаш тизими	Европа мамлакатлари синов бирликларини қўчириб ўтиш ва тўплаш тизими	АҚШ баҳолаш tizими (A- F)	Буюк Британия баҳолаш тизими (%)	Япония баҳолаш tizими (%)	Корея Республикаси баҳолаш тизими (%)	2019 йилга қадар Университет баҳолаш тизими
«5»	«5»	«A»	«A+»	70-100	80-100	90-100	86-100
			«A»				
			«A-»	65-69			
«4»	«4»	«B»	«B+»	60-64	70-79	80-89	71-85
		«C»	«B»	50-59			
			«B-»				
«3»	«3»	«D»	«C+»	45-49	60-69	70-79	55-70
		«E»	«C»	40-44		60-69	
			«C-»				
			«D+»				
			«D»				
			«D-»				
«2»	«2»	«FX»	«F»	0-39	0-59	0-59	0-54
		«F»					

Муҳаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
10-илова

**Стажировкани ўташ бўйича келишувда акс эттирилиши тавсия этиладиган
маълумотлар**

- талабанинг Ф.И.Ш. ва боғланиш маълумотлари;
- университет ва қабул қилаётган ташкилот масъул шахсларининг Ф.И.Ш. ва боғланиш маълумотлари;
- таълим йўналиши номи ва коди;
- таълим цикли (қисқа, биринчи, иккинчи/учинчи);
- ташкилот типи (компания): хусусий, давлат ва бошқалар;
- қабул қилувчи муассасада ўқиш даври (бошланиш ва тугаш вақти) ва синов бирликлари миқдори;
- стажировка якунида кутилаётган таълим олиш натижалари;
- синов бирликлари миқдорини ўзида акс эттирган стажировка дастурининг батафсил тафсилоти;
- ҳафталик иш соатлари миқдори;
- стажировкани ўташ учун талабанинг тил билиш даражаси;
- мониторинг тартиби ва баҳолаш жараёни;
- стажировкани ўташ бўйича келишувга ўзгартириш киритиш тартиби;
- университетда стажировка натижасини тан олиш тартиби;
- уч томонлама келишув (талаба, университет ва қабул қилаётган ташкилот).

Муҳаммад ал-Хоразмий номидаги Тошкент ахборот
технологиялари университети ва унинг филиалларида
таълимнинг кредит тизими тўғрисида низомга
11-илова

**Муҳаммад ал-Хоразмий номидаги Тошкент ахборот технологиялари университети
ва унинг филиалларида таълимнинг кредит тизими бўйича тахсил олган битирувчилар
учун бакалавр ва магистр академик даражасини белгиловчи диплом иловаси шакли**

Ф.И.Ш./Full name:			
Туғилган санаси/Date of birth:			
Академик даража/Degree Course:			
Факультет /College:			
Йўналиш /Department:			
Ўқишга қабул қилинган санаси/Date of admission:			
Таълим олувчининг мақоми/Student status:			
Ўқишни тамомлаган санаси/Date of graduation:			
Фан номи/Subject	Синов бирликлари /Credits	Балл/ Grade	
1.			
2.			
3.			
4.			
5.			
6.			
7.			
...			
Баҳолаш тизими/Grading system:	Жами синов бирликлари микдори/Total credits	Ўртача балл/GPA	
A=4.26–4.5(86–90); B=3.55–3.95(71–80); C=3.0–3.25(60–65);	A+=4.5–5(90–100); B+=4.0–4.25(80–85); C+=3.25–3.5(65–70).		

